

Sarajevo,

Broj: 01-04-4-22584

21-06-2024

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 48. Statuta KCUS-a (Sl.novine FBiH br. 73/13), član 24. stav 1. Pravilnika o javnim nabavkama Kliničkog centra Univerziteta u Sarajevu (65-04-2-4654 od 01.02.2023. godine) na prijedlog Komisije za javnu nabavku Izvještaj br. 10-33-4-21802-3 od 20.06.2024. godine, V.D. Generalnog direktora donosi:

ODLUKU

o izboru najpovoljnijeg ponuđača za
nabavku radova na izradi spuštenih stropova za potrebe KCUS-a

I

Prihvata se prijedlog Komisije, po Izvještaju br. 10-33-4-21802-3 od 20.06.2024. godine nakon provedenog konkurentskog zahtjeva objavljenog na portalu e-nabavke dana 24.05.2024.godine pod brojem obavještenja 893-7-3-191-3-432/24 (sa ispravkom) i okvirni sporazum dodjeljuje najpovoljnijem ponuđaču:

COSPEX“ d.o.o. Zenica

za “Nabavku radova na izradi spuštenih stropova za potrebe KCUS-a”, a prema jediničnim cijenama dostavljenim u ponudi

Ukupna vrijednost okvirnog sporazuma:

30.000,00 KM bez PDV-a + PDV 5.100,00 KM = 35.100,00 KM sa PDV-om

- Cijene su nepromjenjive za cijeli ugovoreni period do okončanja ugovorenih obaveza;
- Garancija na izvedene radove je: 24 (dvadestčetiri) mjeseca od dana prijema radova;
- Izvođač radova se obavezuje da će radove iz tehničke specifikacije / predmjera radova - predmeta nabavke izvršavati sukcesivno, prema potrebama ugovornog organa i u skladu sa potpisanim ugovorom po okvirnom sporazumu i dostavljenoj narudžbenici, a u roku od maksimalno 30 (trideset) kalendarskih dana, po prijemu iste;
- Plaćanje izvedenih radova vršit će se nakon pregleda i prijema po završetku radova, ispostavljanjem radnog naloga/zapisnika, koji/je su ovjerena/i i potpisana/i od strane izvođača, korisnika OJ KCUS-a i Šefa Građevinske službe u roku od 60 (šezdeset) dana od dana izdavanja računa.;

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 (tri) mjeseca računajući od momenta predaje ponude.

III

Ova odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

OBRAZLOŽENJE

U skladu sa Odlukom KCUS-a broj: 58-11-3-17903-1 od 16.05.2024. godine, putem konkurentskog zahtjeva pokrenut je postupak javne nabavke za „Nabavku radova na izradi spuštenih stropova za potrebe KCUS-a“. Procijenjena vrijednost nabavke je 30.000,00 KM bez PDV-a. Predviđeno je zaključivanje okvirnog sporazuma na iznos procijenjene vrijednosti nabavke za period od 12 mjeseci sa jednim dobavljačem i sukcesivno izvršenje radova prema stvarnim potrebama KCUS-a.

Nabavka je planirana Planom javnih nabavki za 2024. god. pod kategorijom „radovi“ redni br. 4. (Odluka o usvajanju Plana javnih nabavki Kliničkog centra Univerziteta u Sarajevu za 2024 godinu, broj: 58/24 br. protokola 65-04-4-3780 od 30.01.2024. godine).

Uslovi plaćanja predviđeni za postupak nabavke su u roku 60 dana od dana izvršenja ugovorenih obaveza od strane dobavljača i ispostavljanja fakture (na osnovu dopisa Sektora za finansijske, knjigovodstvene i planske poslove br. 56-11-3-6066 /24).

Mina Febo

Ugovorni organ je 24.05.2024.godine objavio tendersku dokumentaciju pod brojem 893-7-3-191-3-432/24 na portalu e-nabavke koju je preuzelo 9 (devet) potencijalnih ponuđača: EKAPIJA DOO, BBS EUROPE, COSPEX d.o.o.; RMK ENGINEERING d.o.o.; GS IZGRADNJA d.o.o.; LA VIE d.o.o.; DINALSA d.o.o.; ARCHING INŽENJERING d.o.o. i INTER-COM d.o.o., a na osnovu ispravke obavještenja o nabavci br. 893-7-3-191-8-451/24 od 04.06.2024. godine tendersku dokumentaciju za postupak javne nabavke preuzelo je 5 (pet) potencijalnih ponuđača: EKAPIJA d.o.o.; COSPEX d.o.o. ; BBS EUROPE, DINALSA d.o.o. i ARCHING INŽENJERING d.o.o.

Do krajnjeg roka za dostavljanje ponuda 10:30 sati dana 14.06.2024.godine na Protokol Kliničkog centra Univerziteta u Sarajevu zaprimljene su 2 (dvije) ponude ponuđača i to:

PODACI IZ PONUDE	1.	2.
Naziv ponuđača	COSPEX d.o.o. Zenica	ARCHING INŽENJERING d.o.o. Sarajevo
Broj i datum ponude (što je evidentirano zapisnikom o zaprimanju ponuda br. 10-33-4-21802 od 14.06.2024.godine)	10-11-3-21598 od 13.06.2024. u 08:21	10-11-3-21785 od 14.06.2024. u 09:52
Zbir jediničnih cijena iz Aneksa 3 bez PDV-a (radi poređenja ponuda)	320,00 KM	335,00 KM

Komisija imenovana Odlukom broj: 58-11-7-20193 od 04.06.2024.godine je izvršila detaljnu analizu i ocjenu ponude i Zapisnikom o pregledu i ocjeni ponuda br. 10-33-4-21802-2 od 19.06.2024.godine konstatovala sljedeće:

Ponuda ponuđača ARCHING INŽENJERING ne uzima se u dalje razmatranje, jer je ocijenjena kao nepravilna iz sljedećih razloga:

1- Tenderskom dokumentacijom tačka 3.2. je definisano “ Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki sljedeći dio započinje rednim brojem kojim se nastavlja redni broj stranice kojim završava prethodni dio. Ako ponuda sadrži štampanu literaturu, brošure, kataloge koji imaju originalno numerisane brojeve, onda se ti dijelovi ponude ne numerišu dodatno, ali ponuda će biti prihvatljiva i u slučaju da istu ponuđač i numeriše.“

Ponuđač nije postupio po navedenom zahtjevu jer u svojoj ponudi nije numerisao stranice ponude.

2- Tačkom 3.1. n) tenderske dokumentacije traženo je „Uspješna realizacija minimalno 3 (tri) ili više ugovora za izvođenje radova na izradi spuštenih stropova, u posljednje tri godine ili od datuma registracije, odnosno početka poslovanja ako je ponuđač registrovan, odnosno počeo sa radom prije manje od tri godine, a čija je ukupna ugovorena vrijednost (zbirno) jednaka ili veća od procijenjene vrijednosti predmetne javne nabavke.

Dokazi koji se zahtjevaju: Spisak jednog ili više izvršenih ugovora, koji je u vezi sa predmetom nabavke u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine. Ovaj spisak sačinjava, ovjerava i potpisuje sam ponuđač na svom memorandumu. Uz spisak izvršenog ili izvršenih ugovora, ponuđač je dužan dostaviti **potvrdu** koju je izdao naručilac posla, o uspješno izvršenim radovima, a koje obavezno sadrže: **naziv i sjedište Ugovornih strana ili privrednih subjekata, predmet Ugovora, vrijednost Ugovora, vrijeme i mjesto izvršenja Ugovora i navode o uspješno izvršenim Ugovorima.** U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takva potvrda osigura. Pod predočavanjem dokaza podrazumijeva se dostavljanje dokaza o učinjenim pokušajima pribavljanja potvrde o uspješnoj realizaciji ugovora u ponudi.

Ulija Sebo

Ponuđač je u svojoj ponudi dostavio Spisak uspješno realizovanih ugovora, ali nije dostavio dokaze o uspješnoj realizaciji koji se zahtjevaju Tenderskom dokumentacijom.

Na osnovu svega navedenog ponuda ponuđača ARCHING INŽENJERING d.o.o. Sarajevo je nepravilna i ne uzima se u dalje razmatranje.

Pregledom dostavljene ponude ponuđača COSPEX d.o.o. Zenica Komisija je konstatovala da ista ispunjava formalno pravne, tehničke i suštinske zahtjeve, te je dostavljena ponuda ocijenjena kao prihvatljiva, pa može biti predmet vrednovanja i može učestvovati u daljem toku natjecanja.

Imajući u vidu navedeno, Komisija predlaže da se za predmetni postupak pod nazivom „Nabavka radova na izradi spuštenih stropova za potrebe KCUS-a “ **okvirni sporazum dodijeli ponuđaču COSPEX d.o.o. Zenica**, koji je jedini dostavio prihvatljivu ponudu.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, te se postupak okončava u skladu sa članom 69. stav 1 pod a) ZJN.

Uzimajući u obzir naprijed navedno, Komisija Zapisnikom o pregledu i ocjeni ponuda br. 10-33-4-21802-2 od 19.06.2024. godine i Izvještajem br. 10-33-4-21802-3 od 20.06.2024. godine predlaže da se okvirni sporazum na period od 12 mjeseci za „Nabavku radova na izradi spuštenih stropova za potrebe KCUS-a “ **dodijeli ponuđaču COSPEX d.o.o. Zenica sa jediničnim cijenama dostavljenim u izabranoj ponudi.**

Prijedlog Komisije je prihvaćen i donosi se odluka kao o dispozitivu



V.D. GENERALNOG DIREKTORA

Prof.dr Hajrija Maksić

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

Uzina Jelo